

# DISCOVER

*(Bible Ralchhan)*

## Zirlai - 2 Bible Hi Rintlâk A Ni

**B**ritish lawng Bounty tipiltu hel hmingthang takten Pitcairn thliarkâr takah chuan an hmeichhiate nêh awmhmun an khuar a. An vai chuan British lawng mi pakua Tahiti mipa paruk leh nutling

sâwm leh hmeichhe naupang kum sâwmpanga mi an ni. Lawng mi zînga pakhat chuan zu thlawr dân a hmu chhuak a, reiloteah chu thliarkâr chu zu ruihnain a tikhaw lo zo ta a. A hmei a paa insual buaina chu tharum thawhna a chang a. Nakinah pheï chuan a tîrtêa chu thliarkâra awm hmun khuar zînga pakhat chauh lo chu an thi zo ta vek mai a. He mi hi Alexander Smith-a a ni a, lawng ațanga an lak chhuah thingrem pakhat ațang chuan Bible hi a chhar nawlh mai a. Chu chu chhiarin a sawite chu mite hnênah chuan a zirtîr ta a. Chu chuan ama nun pawh chu a tidanglamin a tâwpah pheï chuan chu thliarkâra mi zawng zawng chu an lo danglam ta a ni.

Kum 1808-ah United State lawng, *Topaz* an tih chuan chu thliarkâr chu a rawn tlawh a chu mi hmâ chuan khawvêl dang nêh inhriat pawhna rêng rêng an nei loa, lawnga hnathawktute chuan chu thliarkâr chu zu awm lohna lung in awm lo, thilsual titu pawh awm miah lohna hmun, a khawtlâng nun pawh țhangduang leh intodelh tak a ni tih an hmu a. Bible thu chuan he thliarkâr hi lei hremhmun ațangin Pathianin khawvêl awmdân tûr a duhdân entîrna hmun a lo ni zâwk a ni.

Tûn lai pawh hian chutiang chu a ni asin! Voice of Prophecy ațanga kan hriat dânin Tom Christian-a chu hmâna Bounty lawng tipiltu zînga mi Fletcher Christian-a thlahte zînga mi a ni a. Mahse ani chu Radio enkawltu a ni a, kâr tin hian kan hnênah Radio-in thu a sawi țhîn a ni.

Pathian chuan mite hnênah Bible-a ziate hmangin thu a la sawi reng em? La sawi teh reng mai. He thu ka ziate lai ngei hian kan Bible sikul zirlai chhâna

kan hnêna a rawn thawn chu ka en a, a hnuaia a thu ziak chu hei hi a ni. “Utah State lung in tâng zînga thi tûra ruat ka ni a. Bible zirna ka zawm ve hma hi chuan, mi bo ka ni a, amaherawhchu tûnah chuan beisei tûr thar ka nei ta a, hmangaihna thar chu ka hmu chhuak ta.”

Bible hian mite nun tidanglam thei chakna a nei a, khawiah pawh Bible hi miten an zir tak tak chuan nun hi Chiang takin a danglam thut mai a ni.

1. B I B L E H M A N G A P A T H I A N I N K A N  
H N Ê N A T H U A S A W I D Â N

Khawvêl mihring hmasa ber, Adama leh Evi chu Pathianin hmaichhanah A be thei a. Amaherawhchu Adama leh Evin sual an tih hnua anmahni kan tûra Pathian a lo kal khân eng nge an tih tak?

**“LALPA Pathian chu huana tlai ni nêma a lêng thâwm chu an lo hria a; tichuan Adama leh a nupui chuan huana thing zîngah chuan LALPA Pathian chu an lo bihrûk san a,” Genesis 3:8.**

Sualna chuan inhmatawna Pathian nêna inbiakna chu a titâwp ta a. He khawvêla sual a lo luh tâk hnua Pathian chuan engtin nge A mite chu A biak tâk?

**“Dik takin Lalpa PATHIAN chuan a rawngbâwltu, a zâwlneite hnênah a thurûk hrilh lovin engmah a ti lovang,” Aмоса 3:7; Hosea 12:10.**

Pathian chuan nunna leh a awmzia hi hre loin min hnutchhiah lo a. Zâwlneite hmangin Pathian chuan mite chu A tâna thusawi tûr leh ziak tûrtein a ko a ni. Nunna

kawnga zawhna ropui chhâna amah ngeiin a lantîr a ni.

## 2. TUINNGE BIBLE HI ZIAK?

A hun laiin zâwlneite chuan Pathian thuchahte chu ɽawngka bâkah a ziaĶin an ziaĶ bawĶ a ni. An thih hnu chuan an ziaĶte chu an la awm ta zêl a. Hêng zâwlnei thuchahte hi Pathian kaihhruainaa la khâwmin Bible-ah an lo ziaĶ ta a ni.

Amaherawhchu hêng ziaĶtute hi engti anga rin tlâk nge an nih?

**“Pathian Lehkha thu hrilhlâwk rêng rêng hi mahniin hrilhfiâh tûr a ni lo, tih hre hmasa phawt ula. Thu hrilh lâwk rêng rêng hi mihring thua chhuak a ni ngai si lo a, miten Thlarau Thianghlim tirhin Pathian hnên ata an sawi zâwk ɽhîn a ni.” 2 Petera 1:20,21.**

Thlarau Thianghlim chuan Pathian Thudikte chu zâwlnei hnênah a hriattîr a, Bible ziaĶtute hian an duh ang emaw an ngaihdân ang maiin an ziaĶ loa, amaherawhchu Pathian Thlarauin a tirh angin leh a hrilh angin an ziaĶ zâwk a ni. Bible hi Pathian lehkhabu bîk a ni.

Bible-ah hian Pathian chuan Ama chanchin min hrilhin mihringte tâna a thiltumte chu a tilang a ni. Bible hian hman lai chanchin te, thu hrilhlâwkna te, thutiam te, leh chhandamna tûra Pathian thiltum duanchhuahna thleng a huam a ni. Thu lo awm tawhte Pathianin a hriat vek dân chauh a entîr lo a, amaherawhchu sual

hnathawhte hi tih tâwp a, kan khawvêlah hian thlamuanna chu a lo thlen hun turte pawh min hrilh a ni.

Bible thu zawng zawng hi Pathian thuchah an ni vek em?

**“Pathian Lehkha Thu zawng zawng hi Pathian thâwkkhuma pêk a (an) ni a, zirtîr kawngah te, thiam loh chantîr kawngah te, zilh kawngah te, felna zirtîr kawngahte a sâwt bawh a ni. Pathian mi chu hna tha tinrêng thawk tûra kim taka inthuamin (inthuama) a famkim theih nân,” 2 Timothea 3:16, 17.**

Pathian thâwkkhuma ziaak a nih avângin Bible Thianghlim hian nasa takin mihringte rilru a khawih a ni. Thiltha inzirtîrna lekhathawn mai a ni loa, lehkhabu ropui ai pawha ropui zâwk, Pathian thâwkkhuma ziaak, ama lehkhabu ngei chu a ni. Zâwlneite chuan an thil hmuh leh hriatte chu mihring tawng pangngaiin an ziaaka a thu erawhchu Pathian hnên atanga lo kal a ni.

Nunna leh a awmze dik takte hi i hre duh tak tak a nih chuan, tihtak zet leh tawngtai chungin Pathian Thu Thianghlimte hi chhiar rawh. Chutianga i tih phawt chuan i rilru leh i thil thlîr dante chu zawi zawiin an lo danglam tial tial ang a. I zir nasat poh leh Pathian Thlarau, a bu ziaaktu nêna inpawlina zau zâwk i nei ang a. Chu chuan rilrua thlamuanna nasa zâwk a pe ang che.

### 3. BIBLE INPUMKHATNATE

A nihna dik takah chuan Bible hi lehkhabu 66 inbelhkhâwm a ni a. Thuthlung Hlui-a bu 39 te hi BC

(Isua pianhma) kum 1400-400 inkâra ziaĀk an ni a, Thuthlung Thara bu 27 te erawh hi chu AD (Isua pian hnu) 50-100 inkâra ziaĀk an ni.

Zâwlnei Mosia chuan Bible chhûnga bu ngâ te hi B.C. 1400 hmain a ziaĀk a, Thupuan bu hi Apostol Johanan AD 95 vêl khân a ziaĀk thung a ni. Bible-a bu hmasa ber leh a tâwp ber ziaĀk chhûng inkâr hi kum 1500 vêl a ni a, zâwlnei dang 38 ten an ziaĀk a ni.

Bible ziaĀktu mi hrang hrangte hi hun hrang hranga mite an ni a, ðhenkhatte pheĀi chu kum za tam taka inhlatte an ni. Kawng tam takah la in hre ngai lo rêng rêngte an ni. ðhenkhatte mahni hnapual nei, sumdawng mite an nih laiin ðhenkhat chu berâm vêngtute, sangha mantu te, sipai te, Doctor te, thuhritu te, lal te, mi narân ve mai kil tina mite an ni. Sorkâr hrang hrang hnuaiĀh hna thawkin, nun dân inkalh tak tak leh rindân hrang hrang hnuaiĀh an chêng a. Chutichung chuan hetah hian thilmak bĀk a awma chu chu he Bible-a bu 66, bung 1,189 leh châng 31,173-a thuchah hi an inhmurem thlap a ni. Mithiam, FF Bruce chuan, Bible hi mi hrang hrangte thuziaĀk lâkchhâwn mai a ni miah lo; a bu pumpui inpumkhattĀra phuar khâwmtu a awm a ni,” a ti.

EntĀrnân : Mi pakhat hian i kawngkâ a rawn kik a, kawng hawnga i luhtĀrin ðhutkhâwmna pindanah chuan sailungvâr chhêr dân danglam tak dahin engmah sawi loin a chhuak ta a. Chutiang chuan mihrang hrang 40 lai mai lo lûtĀn lungchher an rawn ken chu a number in dawtin an rawn dah (rem) khâwm ta a.

A hnukung ber a han chhuah meuh chuan mak ti

zetin i hmaa milim mawi tak lo ding ta mai chu i hmu ta mai a ni. Chubâkah milim chhertu tam berte an la inhmu ngai miah lo tihte i hre ta zêl a, chu a chhapah thenkhat chu America chhimlam ațangin an lo kal a, thenkhat China te, Russia te, Africa te leh khawvêl ram hrang hrang ațangin an lo kal a. Heta țang hian ngaihdân eng nge i neih theih le? Tuin emaw milim ziaak dân chu fel takin a ruahman a, chhertu tin hnênah chuan a bung hrang hrang chu inrem thlap tûrin a chhêrtîr a ni tih i hre thuai dâwn a ni.

Sailungvâr milim inrem țap ang khân Bible thu pumpui pawh hian thuchah min pe a, A chhûnga thu zawng zawngte hi rilru pakhatin a ruahman thlap a, chu rilru chu Pathian rilru a ni. Pathian Lehkha Thute mak taka an inpumkhatna hian mihringte rilru puakchhuaka ziaak țhinte ang hi ni loin Pathian Thu liau liau a ni tih Chiang takin a tilang a ni. Mihringte chuan anmahni țawngkamin ngaihtuahnate chu an ziaaka, Pathian Thu erawh chu Pathian Thâwkkhum, Amah ngeiin a hriattîrte an ni.

#### 4. B I B L E H I I R I N G T H E I E

1. Bible vawnhim a lo nih dân hi a mak khawp mai. Hmasâng ațangin Bible thute chu kut ziaaka lak chhâwn vek an ni a- chu chu lehkhabu chhutna khawl awm hma daih a ni. Lehkha ziaakte chuan a ziaak hmasa berte chu la chhawngin an thehdarh a. Chutianga an thawn chhuah la kim biai leh a then a zâr kim tawh lote chu tûn thleng hian hmuh tûr an la awm a ni.

Thuthlung Hlui, Hebrai țawnga an ziaak, Krista

pian hma kum 150 aṭanga kum 200 laia upa chu *Tuipui Thi* bulah kum 1947 khân an hmu chhuak a. Thil mak deuh mai chu he lehkha ziaak, kum 2000 laia upaah hian tun laia kan neih, Bible Thuthlung Hlui, nen hian a thuhmun thlap a ni. Hei hi Pathian Thu, kan hnêna pêkte hi an rintlâkzia lantîrna ropui tak a ni.

Krista thih leh a thawhle hnu kohhran an dinte hnênah zirtîrte chuan Thuthlung Thar thute hi lehkha thawn angin an thawn ṭhîn a (Kol 4:16) Thuthlung Thar zawng zawng a nih loh pawhin a ṭhen hrang tamtak kutziaak 4,500 chu Europe leh America rama thil hlui dahkhâwmna leh Lehkhabu dahna (Library) ropui deuh deuhahte chuan dah lan an ni. Hêng ziaak ṭhenkhatte phei hi chu kum zabi hnihnaa ziaak tawhte an ni. Hêng hman laia an lo ziaakte leh tûnlaia Bible-te kan han khaikhin hian, Thuthlung Thar pawh hi an ziaak hmasaber aṭang khân a awmze tidanglam khawpa tihdanglamna a awm lo a ni. Mak tak maiin Bible châng a tira ziaak dân chu Shakespeare-a Thawnthu phuahtuin a tira a ziaak dân ai chuan kan hre chiang daih a ni.

Sir Frederic Kenyon-a, British Museum Director lo ni tawh chuan, a lehkhabu ‘*Kan Bible leh Hman lai Thuziakte*’ tihah chuan “Kristian chuan Bible hi a kuta lek chhuakin Pathian Thu dik kum zabi tam tak chhûnga danglamna hranpa awm lova inthlah chhawngte hnêna in rochun zêl chu a nei a ni tih chu huai tak leh tîm miah lovin a sawi thei ang,” tiin a ziaak a ni.

Tûnah chuan Bible pumpui leh a ṭhen a zâr hi ṭawng hrang hrang 2,060 aia tama lehlîn tawh a ni.



Pathian Thu hi khawvêla lehkhabu hralh tam ber niin, kum tin maktaduai 150 chuang zet hralh chhuah a ni.

2. Hmâsâng ațanga Bible thute a lo dik ținzia hi thilmak a tling. America khu khawvêla ram hrang pakhat a lo nih tirh lai chuan mi tam takin Bible thute dikzia hi rin harsa an ti a. Bible-a thu chuangte hi khawvêl chanchin ziakna ațanga fiahna an hmuh loh avângin an ringhleh a ni. Pathian Thu hian indo thu te, khawpui chanchin te, khawvêla finna ropui leh khawvêl chanchin ziahtuten an sawi miah lohte a lo sawi a. Tûnah erawh hi chuan thil hlui laichhuaktute pawhin Bible-a thu ziahte chu a lo dikzia an hmu chhuak ta a ni. Khawvêla thilhlui - lungchher te, hriatrengna lung te, hming leh hmun, Bible thu ațang chauhva hriat lo ni ținte kha, khawvêl chanchin ziahtute chuan a takin an hmu chhuak ta a ni.

Entîrnân : Genesis 11:31-ah chuan, Abrahama leh a chhângte chu, “Kaldai ram Ur khua ațangin Kanaan ramah an pê̄m,” tih thu min hrilh a. Ur khua hi Bible chauhin a sawi avângin Pathian thu zir ținkhatte chuan chutiang khua chu awm ngai loin an sawi a. Nikhua a lo reia thilhlui laichhuaktute chuan Iraq chhim lamah Biak In chhîp, a bul țin̄t mum-bialah hmanlai Persia ățawnga Ur hming ziakna chu an hmu chhuak ta a. A hnu lamah phei chuan Ur chu khaw hausa tak, leh mi changkâng tak takte lo chênna țin̄n a ni tih pawh an hmuchhuak bawk a ni. Chu khua chu khawvêl chanchin ziahtu dangten an hmuh chhuah leh hma chu theihngilh leh hlohin a awm ta a ni.

Thilhlui laichhuaktuten an hmuh chhuah hma chuan he khaw hming hi Bible in a lo vawng tha khiau a ni.

Ur hi thilhlui laichhuaktute thil hmuh chhuah zinga Bible thute dikzia entirna pakhat a ni. Bible-a thilhlui chanchin ngaihnawm tak takte chu in khaw vântlâng Library aţangin i hmu thei ang a, chutiang lehkhabute chuan Pathian Thute an rintlâkzia khawvêl chanchin ziaktuten an fiahna chu a za tel sawi tûr an nei a ni.

3. Bible hrilhlâwkna dikzia aţangte hian Bible chu i ring ngam zet ang. Bible hrilhlâwkna hian Pathian Thu kan rinnate pawh a tichak a. Pathian lehkhâ Thute hian thil lo la thleng tûr hrilhfiarna mak tak tak kan mithmuh ngeia thleng famkim tâte chanchin tam tak min hrilh a. Chutiang hrilhlâwkna zinga ngaihnawm tak pakhat chu zirlai 7-naah kan chhiar dâwn a ni. Pathian chuan khawvêl awmdân tûr pumpui hi BC 606 aţanga tûn thleng hian a lo sawi lâwk tawh a ni. He hrilhlâwkna hian hmalam thlirin engte nge kan tûn lai khawvêlah hian lo thleng dâwn tihte min hrilh baw.

#### 5. BIBLE HRIATTHIAM AWL DÂN

Bible hi, hmân lai thuziak, mithiamte chauhin an hriatthiam ţhin ang hi a ni ve lo tih hre reng ang che. Bible aţanga hriatna duhawm tak takte hi, mi naran, thiamna pawh nei lêm lote hnên aţanga lo chhuak a ni fo. Hêng mite hian Bible chu Isua hnên aţanga lehkhathawn angin an ngai ţhin. Pathian Thu i zir zêlnaah

hêng thil pasarihte hi i rilruah vawng reng ang che.

1. Rilrua ÷awngtai chungin Bible hi zir ÷hîn ang che. Pathian Thute chu ÷awngtaina nêñ thinlung leh rilru inhawng taka i zir phawt chuan Thute chu Krista nêña mimal taka inpawlnaah a chang ÷hîn. Bible i han keu phat hian Thlarau Thianghlim chu i zirtirtu atân sâwm vat la.” Amah Thlarau dik tak chu a lo thlen hun chuan, thutak zawng zawngah chuan a hruai lût ang che u... thil lo thleng tûrte pawh a hriattîr ang che u. Ani chuan kei mi chawimawi ang; ka taa mi a la anga, in hnênah a hriattîr dâwn si che u a,” Johana 16:13-14.

2. Ni tin Bible chhiar rawh. Paula chuan Beroia khuua mite chuan rilru lâwm taka thu chu an pawm avâng leh an thusawi chu a dik leh dik loh hriat nân ni tin Pathian lehkhaah an zawn ÷hîn avângin a fak a (Tirh. 17:1). Ni tina Bible zir hi kan nunna chakna atân hmanrua a ni (Rom 1:16).

3. Bible chu fîmkhur takin zir rawh. Paula chuan Timothea chu hnathawktu, thutak fel taka hmang chu a zak tûr a ni lo angin, (leh) Pathian ngaiha ÷haa in entîr tûra ÷hahnem ngai tûrin a fuih a ni.’ 2 Tim 2:15. Châng intu lo pui pui i ngaihdân emaw i tui zâwng emaw lam pang zawng chhuakin ÷ang tlat lo la. Chu châng chuan engnge sawi a tum fîmkhur tak leh ngun takin zir zâwk ang che. Bible chhiar hi rin loh zâwng taka Pathian rilru pawhna a ni fo.

4. Bible hi a bung tin leh châng mal tê tîn zir la. I chhiar pahin Bible chu amah leh amah thu sawitîr ang che. Bible hi Isua hnên ațanga thuchah a nih avângin a dik chauh ni lovin thu dik zawng zawng fiahna pawh a ni bawk (Isaia 8:20). Chuvângin sakhaw rindân leh an kaldân ațangin Pathian lehkha thute hi hrilhfiah kan tum tûr a ni lo. Bible hi ngaihđân kan lo neih sate hmeh remtîr kan tum vaih chuan, chu chuan Pathian lehkha thute chu kan chhiatpui tûrin mi hmansualtîr ang (2 Petera 3:16 KJV)

Bible thute chu tu hnêna sawi nge, eng harsatna chungchâng sawina nge, leh thil dang eng sawinate nge an nih tih hriat tum ngei ang che. A pawimawh ber chu, Bible ziaktu hian eng nge sawi a tum ber? tih hi a ni.

5. Bible chu a thu țin hlâwm ațangin zir rawh. Bible hre tak tûr chuan amah leh amah inhrilhfiahtîr tûr a ni. Chu chu engtin nge kan tih ang? Pathian lehkha thu chu amah leh amah hrilhfiahtîr tur a ni. Hetiang kawng hian Isua pawh khân Messia a nihzia a hrilhfiah a ni. “Mosia leh zâwlnei zawng zawngte lehkha ațangin a țin a, Pathian Lehkha zawng zawnga ama chanchin zia k apiang chu anmahni A hrilhfiah zêl a,”(Luka 24:27) tih thu kan hmu a ni.

Thil pakhat chungchânga Bible-in a sawi zawng zawngte kan dahkhâwm hian a tum dik tak kan hrefiah thei a, chu chuan Pathian tum dik tak a tilang țin a ni. Entîrnân :- Engtin nge țingtai hlawhtlinna thurûkte

hi i zawn chhuah theih ang? Isua leh a zirtîrten ÷awngtai leh a chhânate chungchânga thutiam leh tihtûr an sawite chu lakhâwm ang che (Zirlai 14-naah kan sawizawm ang). Chutiang taka ÷awngtaina nêna Bible chu amah leh amah kan inhrilhfihtîr chuan, Pathianin a tumtak kan hre ÷hîn a, chu chu mimal ngaihdân emaw, kohhran ÷henkhatte rindân emaw pawh a ni lo.

6. Krista tâna nung tûra chakna nei tûrin Bible chu zir rawh. Hebrai 4:12-ah chuan, “Pathian Thu hi a nung a, thil a ti thei a, khandaih hriam tawn eng ang ai pawhin a hriam,” tih a sawi a. Lehkha pheka thu chuang satliah mai ni lovin, thlemna khirhber pawh kan hneh theihna tura, kan kuta hriamhrei nung awm chu a ni zawk.

7. A Thu hmanga Pathianin i hnêna thu a sawi ngaithla ang che. Tupawhin eng thupui emaw thurin emaw chungchângah, Bible thu tak a hriat duh chuan, a zirtîrna chu a zui duh tûr a ni.

**“Tupawh ama duhzâwng tih duh chuan, ka thu zirtîr hi Pathian tihchhuah nge keima phuahchawp ka sawi a hria ang,”** tiin Lal Isua chuan Johana 7:17-ah a sawi.

Sâm ziaktu chuan heti hian entîrna mawi tak a siam:

**“Tleirâwlin engtin nge a awmdân a tih thianghlim ang? I thu ang zêla a awmdân vêng ÷hain,”** Sâm 119:9.

6. BIBLE CHUAN I NUN A TIDANGLAM THEI A NI.

Bible hian mimal nunah engtin nge a thawh thîn?

**“I thu hrilhfiah hian mite a tiênga, mi mâwlte chu a hriatthiamtîr thîn,” Sâm 119:130.**

Bible zirna hian hriatthiamna leh thiamtheihnate lehkhabu dangin a pêk theih phâk bâkin a tipung ang. Bible hi ngun taka i chhût a, a zirtîrnate pawh i pawm chuan, nungchang hlauhawm pui puite hneh theihna chakna a pe ang che a, chu chuan taksa, rilru chhia leh tha hriatna kawngah leh thlarau lam thlengin i mihrinna a siam puitling ang.

Bible hian thinlungah thu a sawi a. Mihringte nunkawng - pianna te, hmangaih zâwng te, inneih thu te, nu leh pa nih thute leh kan thihmate thleng hian a khawih a ni. Pathian Lehkha hian kan thinlunga nâ kan tih ber, sualnaa mihring a tluk avânga manganna lo chhuakte hi a tidam a ni.

Berlin Bang a chim avângin ringlomi hnam Russia chu nuai harh tûrin harhtharna nasa tak a thleng a ni. Mihring maktaduai têlin Bible chu Pathian thâwkkhuma ziak ngei a ni tih pawmin Kristianah an inlet a. Tûn hmaa Gorky ni thîn, Novogorod Nishni khuaa hmeichhe pakhat Galena-i chuan America mi Tirhkoh thusawi a ngai thla a. A bianga mittui luang zawih zawihin thuhritu hnênah chuan, “He inkhâwmnaa ka lo kal ve hma kha chuan ring lo mi ka ni a. Pathian ka ring lo a. Tûnah chuan Isua

chu ka lo pawm ve ta a, chhông lama mi thar diai ka lo ni ta. Bible ațangin thu dik min zirtîrte chuan min hriatthiamtîr ta,” a ti a ni.

Pathian Thu chu chi khat, kum engnge maw chhông, hnam khat emaw leh nun dân chikhat atâna lehkhabu a ni lo. Khawchhak ațanga chhuak ni mah sela khawthlang lama a hmei a pate pawhin an hlut tho. Mi rethei leh mi hausate hnên thleng vek a, chung a naupangte chuan a bu chhônga thawnthu ța tak takte chu ngaihnaam an ti êm êm a ni. Nu leh pate chuan an fate zirtîrna tûrin finna an chhara dam lo te, khawhar te leh tarten nunna tița tûra thlamuanna leh beiseina an chhar baw a ni.

Bible hian chakna ropui tak a nei. Rilru سوالين a tikhauh tawh thinlungte pawh a tikeh a, chu veleh thinlung chu tinêmin hmangaihnaam a tikhat țin. Bible hian suamhmang lo ni tawh leh, opium ruih ching tawh ținte chu thuhritu ținahnemngai taka a siam tawh ținte kan hmu a ni. Mi dawthei leh mi bum chingte pawh zirtîrtu rinawm leh zahawm takah a siam tih pawh kan hmu tawh. He lehkhabu ngei hian inawkhlum țin tawhte a chhanchhuakin beiseina leh bul ținna thar thlengin a pe tih kan hmu tawh. Bible hian inhmêlmâte kârah hmangaihna a siam thei. Mi chapote titlâwmin mahni hmasialte a tithilphal țin. Bible hian chak lohnaah min tichak a, rilru hrehawmnaah min tihlim a, lungngaihnaah min thlamuan a, hriat lohnaah min kaihruai a, chauhnaah min chhâwk țin. Mihring hnênah huaisen taka nundân leh hlau loa thih dân a entîr a ni.

Pathian Lehkhabu, Bible hian i nunna pawh a tidanglam thei a ni. Discover zirlaite i han zir zêl anga, i hmu chiang tawlh tawlh mai ang.

Eng vângin nge Bible hi kan tâna ziak a nih? Heti hian Isuan a chhâng:

“Chûng Lehkha (Bible) chu ka chanchin hriatfirtu chu a ni si.” a ti a. Johana 5:39.

“Nimahsela hêng hi Isua chu, Krista Pathian fapa a ni tih in rinna tûr leh, in rina, a hminga nun in neihna tûrin ziak a ni,” Johana 20:31.

Pathian Lehkha Thianghlim hi kan hriat chian a tûlna chhan ber chu, Isua Krista tihlan chianna thuin a khat a, chu chuan chatuana nunna min tiam a ni. Bible pumpui aţanga Krista chu kan thlîr chuan tihdanglama awmin amah kan ang zual tîn a, (2 Korinth 3:18) chu chu Pathian Lehkhatuin a tum chu a ni. Hêng thute hi zirlai 3 aţanga 6 i zir hunah a chiang leh zual ang.

Tûn aţang hian Thu ziak, thu nung hi Krista anna kawnga tanpui tûr chea thiltihtheihna a nihzia hi hmuchhuak ang che.

---

Published by Mizo Conference of Seventh-day Adventists  
Seventh-day Tlang, P.O. Box 097, Aizawl 796 001, Mizoram.